



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education, Science and Youth

Broj: 11/05-34-23293-2/20  
Sarajevo, 12.11.2020. godine

Na osnovu člana 10. alineje i) i n) Zakona o visokom obrazovanju („Službene novine Kantona Sarajevo“, br.: 33/17, 35/20 i 40/20) i člana 92. Zakona o upravnom postupku („Službene novine Federacije BiH“, broj: 2/98 i 48/99) Ministarstvo za obrazovanje, nauku i mlade Kantona Sarajevo d o n o s i

### **RJEŠENJE**

- Nalaže se** Visokoj školi „Američka škola za ekonomiju“ i odgovornom licu u istoj da Ministarstvu za obrazovanje, nauku i mlade Kantona Sarajevo dostavi adresu sjedišta ove visokoškolske ustanove.
- Nalaže se** Visokoj školi „Američka škola za ekonomiju“ i odgovornom licu u istoj da Ministarstvu za obrazovanje, nauku i mlade Kantona Sarajevo dostavi sve ugovore o studiranju zaključene između Visoke škole „Američka škola za ekonomiju“ i studenata, za studijsku 2018./2019., 2019./2020. i 2020./2021. godinu.
- Nalaže se** Visokoj školi „Američka škola za ekonomiju“ i odgovornom licu u istoj da Ministarstvu za obrazovanje, nauku i mlade Kantona Sarajevo dostavi informaciju da li se i na koji način realizira nastava na ovoj visokoškolskoj ustanovi u studijskoj 2020./2021. godini.
- Nalaže se** Visokoj školi „Američka škola za ekonomiju“ i odgovornom licu u istoj da Ministarstvu za obrazovanje, nauku i mlade Kantona Sarajevo dostavi broj akademskog osoblja koje je u radnom odnosu na Visokoj školi „Američka škola za ekonomiju“, odluke o izboru u akademska zvanja i njihove nastavne norme, kao i broj spoljnjih saradnika angažovanih na Visokoj školi „Američka škola za ekonomiju“.
- Rok za izvršenje** naloženih mjera iz tač. 1. - 4. ovog rješenja je osam dana od dana isteka roka iz tačke 6. ovog rješenja.
- Smtara se** da je dostavljanje ovog rješenja izvršeno nakon isteka 15 dana od objavljivanja na oglasnoj ploči Kantona Sarajevo (Reisa Džemaludina Čauševića 1).



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



## Obrazloženje

Ministarstvo za obrazovanje, nauku i mlade Kantona Sarajevo je svojim dopisom, broj: 11-34-23293/20 od 24.07.2020. godine, i dopisom, broj: 11/05-34-23293-1 /20 od 04.09.2020. godine, od Kantonalne uprave za inspekcijske poslove, Inspektorata prosvjetne inspekcije zatražilo obavljanje inspekcijskog nadzora na Visokoj školi „Američka škola za ekonomiju“ te utvrđivanje činjeničnog stanja u vezi sa: raspisivanjem konkursa za upis studenata u prvu studijsku godinu u studijskoj 2020./2021. godinu u skladu sa Zakonom o visokom obrazovanju na Visokoj školi „Američka škola za ekonomiju“; brojem akademskog osoblja koje učestvuje u realizaciji nastavnog procesa na Visokoj školi „Američka škola za ekonomiju“ i da li je isti u skladu sa Standardima i normativima za obavljanje djelatnosti visokog obrazovanja na području Kantona Sarajevo, provjerom adekvatnosti izbora u akademska zvanja i nastavnih normi; brojem spoljnjih saradnika angažovanih na Visokoj školi „Američka škola za ekonomiju“ te da li je eventualni angažman izvršen u skladu sa Zakonom o visokom obrazovanju; provjerom ugovora o studiranju zaključenih između Visoke škole „Američka škola za ekonomiju“ i studenata; provjerom da li je osoblje Visoke škole „Američka škola za ekonomiju“ obavilo ljekarske preglede prije početka studijske godine, u skladu sa Zakonom o visokom obrazovanju.

Aktom Kantonalne uprave za inspekcijske poslove, broj: UP-1-14-12-34-20277/20-12/05 od 21.10.2020. godine, Ministarstvo za obrazovanje, nauku i mlade Kantona Sarajevo je obaviješteno da su kantonalni prosvjetni inspektori u dva navrata upućivali obavijest o vršenju inspekcijskog nadzora (04.09.2020. godine i 13.10.2020. godine) Visokoj školi „Američka škola za ekonomiju“ na adresu Zmaja od Bosne 8, a koje su Kantonalnoj upravi za inspekcijske poslove vraćene uz naznaku „obaviješten, nije podigao“.

Bez obzira na vraćene obavijesti, dana 21.10.2020. godine u 11:10 h postupajući prosvjetni inspektori su pristupili u prostorije na adresi Zmja od Bosne 8 te da na navedenoj adresi nisu zatečeni niti zaposlenici niti studenti Visoke škole „Američka škola za ekonomiju“.

Aktom Kantonalne uprave za inspekcijske poslove, broj: UP-1-14-12-34-20277/20-12/05 od 03.09.2020. godine, Ministarstvo za obrazovanje, nauku i mlade Kantona Sarajevo je obaviješteno da su kantonalni prosvjetni inspektori pristupili prostorijama na adresi Zmaja od Bosne 8 i dana 01.09.2020. godine, prije početka studijske godine, a s ciljem vršenja inspekcijskog nadzora.

Kantonalni prosvjetni inspektori su konstatovali da se na predmetnoj adresi nalaze dvije škole JU Srednja mašinska tehnička škola i JU Srednja škola metalških zanimanja. Ugovor o zakupu prostora između JU Srednja mašinska tehnička škola i Visoke škole „Američka škola za ekonomiju“ je zaključen 02.10.2018. godine. Odlukom Školskog odbora ove škole od 11.12.2018. godine zadužen je direktor JU Srednja mašinska tehnička škola da pripremi raskid ugovora o zakupu sa Visokom školom „Američka škola za ekonomiju“, zbog neispunjavanja ugovornih obaveza te je ugovor jednostano raskinut 20.12.2020. godine.

Dana 01.03.2019. godine zaključen je ugovor o zakupu prostora između JU Srednja škola metalških zanimanja i Visoke škole „Američka škola za ekonomiju“ sa periodom važenja do 30.09.2019. godine, sa mogućnošću produženja istog uz obostranu saglasnost. Ugovor o zakupu prostora između ove dvije strane za period od 01.10.2019. godine do 30.09.2020. godine, a što bi predstavljalo produžetak ugovora o zakupu, je potpisan samo od strane JU Srednja mašinska tehnička škola.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218

Sarajevo, Reisa Džemaludina Čauševića 1



Imajući u vidu ove informacije, Ministarstvo za obrazovanje, nauku i mlade konstatuje da se Visoka škola „Američka škola za ekonomiju“ ne nalazi na adresi Zmaja od Bosne 8, koja je registrovana kao sjedište u Statutu ove visokoškolske ustanove niti je Ministarstvo za obrazovanje, nauku i mlade obaviješteno o promjeni adrese, a što je zakonska obaveza visokoškolske ustanove, jer promjena adrese zahtijeva izmjenu Statuta i pribavljanje saglasnosti Ministarstva za obrazovanje, nauku i mlade Kantona Sarajevo na svaku izmjenu ili dopunu Statuta.

Ministarstvo za obrazovanje, nauku i mlade konstatuje da prosvjetni inspektori nisu u mogućnosti izvršiti inspekcijski nadzor s ciljem utvrđivanja svih činjenica i okolnosti u odnosu na dopise ovog ministarstva od 24.07.2020. i 04.09.2020. godine.

S obzirom da je Ministarstvo za obrazovanje, nauku i mlade nadležno da vrši nadzor nad zakonitošću rada visokoškolske ustanove u oblasti visokog obrazovanja (član 10. Zakona o visokom obrazovanju) te da u konkretnom slučaju, zbog neodgovornog postupanja Visoke škole „Američka škola za ekonomiju“, Ministarstvo za obrazovanje, nauku i mlade nije u mogućnosti izvršiti zakonsku mogućnost nadzora te da je visoko obrazovanje djelatnost od posebnog značaja i interesa za Kanton Sarajevo (član 2. Zakona o visokom obrazovanju), Ministarstvo za obrazovanje, nauku i mlade koristi zakonsku mogućnost postupanja u skladu sa članom 10. alineja i) Zakona o visokom obrazovanju.

Ukoliko Visoka škola „Američka škola za ekonomiju“ ne postupi na način i u rokovima iz ovog rješenja, Ministarstvo za obrazovanje, nauku i mlade će postupiti u skladu sa članom 10. alineja j) Zakona o visokom obrazovanju odnosno donijeti rješenje kojim se Visoko školi „Američka škola za ekonomiju“ zabranjuje obavljanje djelatnosti visokog obrazovanja na području Kantona Sarajevo.

Na osnovu svega naprijed navedenog, cijeneći sve okolnosti predmetnog slučaja, kako pojedinačno tako i u njihovoj međusobnoj povezanosti, donesena je odluka kao u dispozitivu.

**Pouka o pravnom lijeku:** Protiv ovog rješenja nije dopuštena žalba, ali se može pokrenuti upravni spor pred Kantonalnim sudom u Sarajevu u roku od 30 dana od dana prijema rješenja.

**MINISTAR**

*Mr. Anis Krivić*

**Dostaviti:**

- Oglasna ploča Kantona Sarajevo,
- Sredstvima javnog informisanja,
- Ministarstvo za obrazovanje, nauku i mlade,
- Evidencija,
- a/a.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



